

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 251198 25 St
Zenica, 15.05.2025. godine

Općinski sud u Zenici, stečajni sudija Amra Brkić, u prethodnom postupku za utvrđivanje uvjeta za otvaranje stečajnog postupku nad stečajnim dužnikom WELT AUTO d.o.o. ul. 203. Brdske brigade br. 217, Matuzići, koga zastupa zastupnik po zakonu, direktor, Mitar Stojanović, nakon održanog ročišta dana 26.03.2025. godine, kome su prisustvovala privremena stečajna upravnica Amerisa Saletović, dana 15.05.2025. godine, donio je sljedeće:

R J E Š E N J E

Otvora se i zaključuje stečajni postupak nad imovinom stečajnog dužnika WELT AUTO d.o.o. ul. 203. Brdske brigade br. 217, Matuzići, matični broj subjekta upisa MBS43-01-0406-15, zbog nepostojanja imovine dovoljne za pokriće troškova stečajnog postupka, te se nalaže brisanje ovog privrednog društva iz sudskog registra zavedenog pod matični registarski broj matični registarski broj subjekta upisa MBS43-01-0406-15, a po pravomoćnosti ovoga rješenja.

O b r a z l o ž e n j e

Predlagač Zanatsko, WELT AUTO d.o.o. ul. 203. Brdske brigade br. 217, Matuzići kao stečajni dužnik je dana 25.09.2024. godine ovom sudu podnio prijedlog za otvaranje stečajnog postupka.

Rješenjem ovog suda broj 43 0 St 251198 25 St od 02.12.2024. godine pokrenut je prethodni postupak radi utvrđivanja uvjeta za otvaranje stečajnog postupka nad imovinom stečajnog dužnika WELT AUTO d.o.o. Matuzići.

Na ročištu za ispitivanje uvjeta za otvaranje stečajnog postupka održanom dana 26.03.2025. godine, privremena stečajna upravnica Amerisa Saletović je ostala kod svog Izvještaja od 07.03.2025. godine i izjavila da u postupku izrade izvještaja imala je kontakte direktorom Stojanović Mitar, sa računovođom koja vodi poslovne knjige „WELT – AUTO“ d.o.o., advokatom Alemdar Brkić, advokat iz Tešnja. Stečajni dužnik nema poslovnih aktivnosti. Uvidom u finansijsko poslovanje stečajnog dužnika i poslovnu dokumentaciju utvrdila je da su poslovne knjige vođene uredno. Završni račun uredno predat FIA za 2024. godinu. Popis imovine na dan 31.12.2024. godine nije vršen jer „WELT – AUTO“ d.o.o. nema imovine. Obaveze društva iznose 28.959,00KM, od toga 28.319,16KM izlazni PDV-e. WELT – AUTO“ d.o.o. ima otvorena dva računa u Asa Banka d.d. Sarajevo – transakcijski račun, glavni račun broj 134001112063182, koji je aktivan i na dan 24.02.2025. godine ima dugovanja u iznosu od 218,83KM, i devizni račun broj 1340011200942041, prema Izvještaju o računima poslovnog subjekta od 06.02.2025. godine, sačinjen od Centralne banke Bosne i Hercegovine. Privredno društvo je imalo još tri transakcijska računa i to kod Asa Banka d.d. Sarajevo dva računa broj 1405011120029927 i 140501120049367 i kod UNICREDIT BANK d.d. račun broj 3385502256428444. U blagajni društva nema novčanih sredstava. Kod Odsjeka za administraciju Doboj Jug WELT – AUTO“ d.o.o. nema registrovanih motornih vozila u svom vlasništvu. WELT – AUTO“ d.o.o.

nema nekretnina, prema Potvrdi, Općinski sud u Tešnju, broj: 039-0-RZ-25-000 603 od 26.02.2025. godine.

Prema Uvjeranju Porezne uprave Federacije BiH, Porezne ispostave Doboj Jug od WELT – AUTO“ d.o.o. nema dospjelih, a neizmirenih obaveza. U radnom odnosu WELT – AUTO“ d.o.o. nema ni jednog radnika u radnom odnosu. Stečajni postupak nije pokrenut u roku od 60 dana od dana nastupanja platežne nesposobnosti. Na osnovu svega naprijed navedenog proizilazi da imovina stečajnog dužnika nije dovoljna da se pokriju troškovi stečajnog postupka, jer stečajni dužnik nema imovinu, te stečajni dužnik ne može nastaviti poslovanje stoga postoje razlozi za otvaranje stečajnog postupka iz razloga platežne nesposobnosti stečajnog dužnika i to u neprekidnom trajanju dužem od 60 dana. WELT – AUTO“ d.o.o. je neprofitabilan od 2023. godine. Nelikvidnost predstavlja ključni problem za dužnika jer privredno društvo više ne posluje i nema imovine. Prijedlog za otvaranje stečajnog postupka je dopušten i osnovan, odnosno podnesen je od ovlaštenog lica od strane direktora, stekli su zakonski razlozi za otvaranje stečajnog postupka nad pravnim licem jer Privredno društvo WELT – AUTO“ d.o.o. u skladu sa članom članom 6. Zakona o stečaju, međutim kako društvo nema nikakve imovine pa ni za troškove stečajnog postupka predlaže da sud pozove povjerioca i zainteresirana lica da u roku od 30 dana predlože otvaranje stečajnog postupka i predujme iznos od 5.000,00 KM na ime troškova stečajnog postupka, te da ukoliko u ostavljenom roku ne predlože i ne uplate predujam sud donese rješenje o otvaranju i zaključenju stečaja nad navedenim stečajnim dužnikom

Kako iz Izvještaja privremene stečajne upravnice i dostavljene dokumentacije uz izvještaj, kao i pojašnjenja privremenog stečajnog upravnika na održanom ročištu, proizilazi da društvo, iako postoje stečajni razlozi, nema imovine iz koje bi se namirili troškovi stečajnog postupka, te kako niko od zainteresiranih lica - povjerilaca, a po pozivu suda objavljenom u Sl.novinama FBiH br 26/25 od 09.04.2025. godine, nije predujmio novčana sredstava u iznosu od 5.000,00 KM, na ime troškova za vođenja stečajnog postupka, odlučeno je kao u dispozitivu ovoga rješenja, u skladu sa odredbom člana 102. st. 7. i 8. , te odredbom člana 204. stav 5. Zakona o stečaju („Službene novine F BiH“, broj: 53/21).

Slijedom naprijed navedenih odredbi Zakona o stečaju, sud je riješio kao u dispozitivu ovog rješenja.

Pravna pouka:

Protiv ovog rješenja dopuštena je žalba Kantonalnom sudu Zenica u roku od 8 dana od dana dostave rješenja, a putem ovog suda.

Stečajni sudija
Amra Brkić, s.r.